

Broj: 05-02-5-7938/23  
Sarajevo, 06.11.2023.godine

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
SARAJEVO

Prilijeno: 10-11-2023			
Org. jed.	Broj	Priloga	Vrijednost
05/1	-02-	392	23

**PARLAMENT FEDERACIJE BOSNE I HERCEGOVINE**  
**ZASTUPNIČKI/PREDSTAVNIČKI DOM**

n/p Tajnik/Sekretar

**PREDMET:** Odgovor na zastupničko pitanje, dostavlja se

**VEZA:** Vaš akt broj: 05/1-02-392/23 od 26.10.2023.godine  
Akt Vlade Federacije BiH broj: 03-04-1253-4/23 od 30.10.2023.godine

Poštovani,

Vašim aktom, pod brojem i datumom iz veze, dostavili ste Vladi Federacije BiH, zastupničko pitanje koje je uvažena zastupnica Ajla Milišić Pepić, postavila na 8. izvanrednoj sjednici Zastupničkog doma Parlamenta Federacije Bosne i Hercegovine, održanoj dana 25.10.2023.godine, radi davanja odgovora iz nadležnosti Federalnog ministarstva finansija-financija.

Uvažena zastupnica traži odgovor na pitanje zašto inspektori Porezne uprave dozvoljavaju izdavanje potvrda za rad kladionicama kojima su nadležne općinske službe za katastar utvrdile da se nalaze na udaljenosti manjoj od 100 metara od škola i odbile zahtjev za izdavanje potvrda, da bi im se nakon toga dozvolio rad i bile registrovane u Federalnom ministarstvu finansija i zašto se krši Zakon o igrama na sreću u vezi udaljenosti pri izdavanju potvrda za rad u centralnom djelu Općine Ilidža?

Shodno prednjem, **iz segmenta naše nadležnosti**, dostavljamo vam sljedeći

## ODGOVOR

Shodno članu 123. Zakona o igrama na sreću ("Službene novine Federacije BiH" br. 48/15 i 60/15- u daljem tekstu: Zakon), Federalno ministarstvo finansija-financija i Porezna uprava Federacije Bosne i Hercegovine su organi, koji su nadležni za vršenje nadzora nad primjenom odredaba ovog Zakona. Osim navedenog, u članu 125. Zakona propisana je nadležnost Porezne uprave u vršenju inspekcijskog nadzora, dok je Federalno ministarstvo finansija nadležno za izdavanje odobrenja za priređivanje posebnih igara na sreću iz člana 8. stav (3) Zakona.

Ovim **Zakonom, koji je stupio na snagu dana 02.07.2015.godine**, (za razliku od ranije važećih zakona) **propisana je minimalna udaljenost** lokacija za priređivanje posebnih igara na sreću, koja ne smije biti manja od 100 m od vjerskih objekata, osnovnih i srednjih škola.

Kada su u pitanju priređivači igara na sreću klađenja (Kladionice), u članu 90. Zakona i članu 12. Pravilnika o prostornim, tehničkim i drugim uslovima za priređivanje igara na sreću klađenja ("Službene novine Federacije BiH", br. 23/16 i 40/16) propisano je da su obavezni, u postupcima izdavanja odobrenja za **preseljenje postojećih lokacija uplatnih mjesta i za otvaranje novih lokacija uplatnih mjesta**, dostaviti dokaz o udaljenosti, koja ne smije biti manja od 100 metara od vjerskih objekata, osnovnih i srednjih škola, odnosno relevantan dokument izdat od strane općinske/gradske službe (izvod iz kopije katastarskog plana sa pismenim zaključkom o udaljenosti, potvrda/uvjerenje o činjenicama, nalaz komisije, i sl). Stoga, od stupanja na snagu važećeg Zakona, Ministarstvo u postupcima izdavanja odobrenja za uplatna mjesta iz člana 90. Zakona, odlučuje na osnovu gore navedenog propisanog dokaza u vezi udaljenosti.

Međutim, **pravo na priređivanje** igara na sreću klađenja Priređivač (Kladionica), **ostvaruje i putem drugih lokacija uplatnih mjesta, koje su ranije odobrene**, a na osnovu Zakona o igrama na sreću („Službene novine FBiH“, broj: 01/02 i 40/10), prema kojem nije bila propisana minimalna udaljenost uplatnog mjesta od vjerskih objekata, te osnovnih i srednjih škola, kao jedan od uslova za izdavanje odobrenja. Uplatna mjesta odobrena prema starom Zakonu o igrama na sreću predstavljaju stečeno pravo odnosno pravni subjekt je već ušao u određenu pravnu situaciju odnosno poziciju. Naime, temeljni postulat principa vladavine prava, između ostaloga, čini i sigurnost pravnog subjekta u svoju pravnu poziciju, posebno ukoliko je verificirana određenim pojedinačnim aktom kao što je ovdje slučaju. Dakle, stečena prava su subjektivna prava nastala (stečena) u prošlom pravnom poretku koji je zamijenjen novim po kojemu ta prava ne bi mogla nastati. Stoga princip vladavine prava zabranjuju povratno djelovanje propisa odnosno primjenu propisa na slučajeve koji su nastali.

S poštovanjem,



CO: 1. VLADA FEDERACIJE BIH  
2. POREZNA UPRAVA FBiH